

第一五三冊

方輿彙編

職方典

德安府部

黃州府部

(卷)

一五三

二五二

古今圖書集成

中華書局影印

欽定古今圖書集成方輿彙編職方典

第一千一百七十二卷目錄

德安府部紀事

德安府部雜錄

德安府部外編

職方典第一千一百七十二卷

德安府部紀事

左傳桓公六年春楚武王侵隨使蓬章求成焉軍於瑕以待之隨人使少師董成鬬伯比言於楚子曰吾不得志於漢東也我則使然我張吾三軍而被吾甲兵以武臨之彼則懼而協以謀我故難間也漢東之國隨爲大隨張必棄小國小國難楚之利也少師侈請羸師以張之熊率且比曰季梁在何益鬬伯比曰以爲後圖少師得其君王毀軍而納少師少師歸請追楚師隨侯將許之季梁止之曰天方授楚楚之羸其誘我也君何急焉君姑修政而親兄弟之國庶免於難隨侯懼而修政楚不敢伐

八年隨少師有寵楚鬬伯比曰可矣讎有釁不可失也夏楚子合諸侯於沈鹿黃隨不會使蓬章讓黃楚子伐隨軍於漢淮之間季梁請下之弗許而後戰所以怒我而息寇也少師謂隨侯曰必速戰不然將失楚師隨侯禦之望楚師季梁曰楚人上左君必左無與王遇且攻其右右無良焉必敗偏敗衆乃攜矣少

師曰不當王非敵也弗從戰于速杞隨師敗績隨侯逸鬬丹獲其戎車與其戎右少師秋隨及楚平楚子將不許鬬伯比曰天去其疾矣隨未可克也乃盟而還

十一年楚屈瑕將盟武軫郢人軍於蒲騷將與隨絞州蓼伐楚師莫敖患之鬬廉曰郢人軍其郊必不誠且日虞四邑之至也君次於郊郢以禦四邑我以銳師宵加於郢郢有虞心而恃其城莫有鬬志若敗郢師四邑必離莫敖曰盍請濟師於王對曰師克在和不在衆商周之不敵君之所聞也莫敖曰卜之對曰卜以決疑不疑何卜遂敗郢師於蒲騷卒盟而還莊公四年楚武王荆尹授師子焉以伐隨將齊入告夫人鄧曼曰余心蕩鄧曼歎曰王祿盡矣盈而蕩天之道也先君其知之矣故臨武事將發大命而蕩王心焉若師徒無虧王薨於行國之福也王遂行卒於櫛木之下令尹鬬祁莫敖屈重除道梁嗟營軍臨隨隨人懼行成莫敖以王命入盟隨侯且請爲會於漢汭而還濟漢而後發喪

僖公二十年隨以漢東諸侯叛楚冬楚鬬穀於菟師師伐隨取成而還君子曰隨之見伐不量力也量力而動其過鮮矣善敗由己而由人乎哉

孝感縣志鬬穀於菟字子文伯比之子也初伯比處於邲邲女生子文邲夫人使棄諸夢中邲子田逐伏虎虎去而兒啼蓋虎乳之也恠而收之楚人謂乳穀謂虎於菟故命之曰鬬穀於菟封於邲爲邲公隨州志襄王七年正月楚人伐徐七月齊師曹師伐厲以救徐厲隨境內國也

雲夢縣志宋玉唐勒景差皆從襄王於雲夢之臺玉曰能爲寡人大言者上座唐勒曰壯士懷兮絕天維北斗辰兮泰山移景差曰校士猛毅卑鄙囂兮笑至兮摧累愚玉曰方地爲壘國天爲蓋長劍耿兮倚天外王曰未也有能小言者玉曰以雲夢之田景差曰戴氛埃兮乘漂塵唐勒曰輪蠅鬚兮曼毫端玉曰起於太虛之域出於未兆之庭視之渺渺望之冥冥玉曰善賜之以田

國策莊辛諫襄王曰君王左州侯右夏侯從鄢陵君與壽陵君飯封祿之粟而載方府之金與之馳驅乎雲夢之中而不以天下國家爲事而不知夫穰侯方受命于秦王填穰塞之內而投己於穰塞之外襄王聞之色變身慄乃以執珪而授之爲陽陵君

楚宣王遊於雲夢結網千乘旌旗蔽天野火之起也若雲霓虎咆之聲若雷霆有狂兇辟車依輪而至王親引弓而射一發而殪王抽旃旄而抑兇首仰天而笑曰樂矣今日之遊也寡人萬歲千秋之後誰與此樂矣安陵君泣數行下而進曰臣入則編席出則陪乘大王萬歲千秋之後願得以身試黃泉孽蜮蟻又何如得此樂而樂之王大悅乃封爲安陵君

左傳定公三年唐成公如楚有兩肅爽馬于常欲之弗與止之唐人或相與謀請代先從者許之飲先從者酒醉之竊馬而獻之子常子常歸唐侯自拘於司敗曰君以弄馬之故隱君身棄國家羣臣請相夫人以償馬必如之唐侯曰寡人之過也二三子無辱皆賞之杜子曰唐隨境內國也後屬楚安昌東南之上唐鄉是已

四年吳敗楚，楚子涉睢，濟江入于雲中。王寢，寢攻之以戈。擊王孫由于以背受之中肩，王奔。鄧鍾建負季半以從，由于徐蘇而從。鄧公辛之弟懷將弑王，曰：「平王殺吾父，我殺其子，不亦可乎？」辛曰：「君討臣，誰敢讎之？」君命天也。若死天命，將誰讎？辛與其弟巢以王奔隨。吳人從之，謂隨人曰：「周之子孫在漢川者，楚實盡之。天誘其衷，致罰于楚，而君又竄之。周室何罪？君若顧報周室施及寡人，以獎天衷，君之惠也。漢陽之田，君實有之。楚子在公宮之北，吳人在其南。子期似王逃王而己，爲王曰：「以我與之王，必免。」隨人卜與之，不吉。乃辭吳曰：「以隨之辟小，而密邇於楚，楚實存之。世有盟誓，至于今未改。若難而棄之，何以事君？執事之患不唯一人。若鳩楚竟，敢不聽命？」吳人乃退。鍾金初宦於子期氏，實與隨人要言。王使見比辭，曰：「不敢以約爲利。王割子期之心以與隨人。」盟。

雲夢縣志：漢高祖六年，楚王信之國行縣邑。陳兵出入，人有上書告信反。高祖以陳平計，天子巡狩會諸侯。南方有雲夢，陛下第發使告諸侯。會陳吾將遊雲夢，則信必郊迎，因而襲信。特一力士事耳。高帝果至，楚縛信繫後車。今有堤曰韓信堤，又名韓王岡，鄉人廟祀之。

府志：漢王祚爲隨州刺史時，漢法犂牛草送京師，製鐵遇暑雨多腐壞。祚請頒鎧甲之式於諸州，令裁之以輸民，甚便之。

新莽地皇三年，下江新市兵起。四月，莽使嚴尤、陳茂敗之，猶劫於三鍾石。龍攻隨，弗克。平林人陳牧、廖湛由是起兵。

光武建武元年，秦豐陷隨州。三年，詔朱祐擊平之。新莽天鳳四年，潁川舞陽人王常爲弟報讎，亡命江夏，與新市人王鳳、王匡、南陽人馬武、成丹、張卬等，因其衆起兵於雲杜、綠林山中，至七八千人，常爲偏裨。攻旁縣，地皇二年，荊州牧發犇命二萬人討綠林。賊匡等迎擊於雲杜，破牧軍，攻拔竟陵，轉擊安陸、大掠。婦女攻隨，未能下。還綠林山中，三年山中疫賊各散去。常與丹、卬別入南郡，藍口號下江兵。平林人陳牧、廖湛等起兵應之，號平林兵。是時劉元避更平林，因往隨收等爲其軍。安集、潁南、陽宗、室劉秀及其兄縯、應、白、水真人之識起兵，春陵爲莽將甄阜、梁丘賜所敗。會下江兵至，宜秋、縯秀與李通造其壁曰：「願見下江一賢將，議大事。」衆推常說以合縱之利，常大悟。縯遂與常深相結而去。諸將素敬常，乃皆謝曰：「微王將軍，吾屬幾陷於不義。」卽與漢軍合，未幾王莽遣嚴尤、陳茂擊破之。常與丹、卬復收敗卒入薤露，龍鍾間衆復振。殺莽將甄阜、梁丘賜，常欲立縯，平林將帥衆放縱，乃決計奉元卽帝位。改元更始，立二年爲赤眉。縯殺光武，立二年拜王常、漢忠將軍。今應山有石龍山，又隨州東北有三鍾山。

後漢董卓蚤喪，母靈帝中黃巾起，渤海騷動，永奉父避兵汝陽，再徙安陸，父亡，無以葬。從富人裴氏貸錢五千，約以身爲奴償之。既葬，如裴氏爲奴，道逢一婦求爲妻，未曰：「吾貧若是，身復爲奴，奈何？」屈辱婦爲懇款，諭之，永謝不可得。乃與俱往，裴託曰：「許一人，翼而益以二平婦，何能吾實？不能兼飽若未曰：婦解織，裴難之，曰：能爲我織絹三百，纔免。若僕婦遂索絲纒，彌難之。」

月事竣，裴大驚，異放未歸，行次舊處，婦謂永曰：「我天孫也。上帝感君純孝，而以笑然一身，裨益富人，富人實勤操作，子何以償？故不受子一人，經緯取而代之，吾不獲長有此。又安能久羈報命，言訖騰空而去。」南宋以故名其地曰孝昌。後永歿，葬于此，相傳董家湖舊有裴巷，卽其處也。

董黯字叔達，漢江都相仲舒裔孫也。事母孝，比鄰王寄母以黯能孝，諷寄寄思之，伺黯出，辱其母，黯恨寄及母死，斬寄首以祭母。自陳于官，帝詔釋其罪，且旌異行，召拜郎中，不就。後僞寓孝感，今邑北三十里有黯墓。

晉惠帝太安二年，義陽蠻張昌反，昌固縣吏，自恃武力聚流民就食江夏者屯石岩山，因其險立太平蠻王諸若會徵兵討益州流民，憚遠，成詔書督責凡停五日者，二千石免官。長吏日相驅逐，俱中道逸，就昌爲盜。昌易姓名李辰，造妖言，當有聖人出，尋得山都吏丘沉，更名劉尼，稱漢後當立爲天子，車服悉遵漢制，昌自爲相國，兄味爲車騎將軍，弟放爲廣武將軍，創宮殿於石岩山中，編竹爲屋，彩色粟肉，其旁衆鳥羣集，詐稱鳳凰至，改元神鳳，太守司欽遣軍討之，輒爲所破。昌徙衆日多，遂來攻郡，欽出戰，大敗。鎮南大將軍新野王歆遣騎督斬滿計，昌於隨郡西大戰，滿敗走，昌據有江夏人情，扇動漢沔之間，一時姦起，旬月有衆十三萬。

安帝義熙二年丙午，賊張堅據安陸西南鄉，應城反，嗣思擊破之，封都鄉侯。

謝晦戰敗，攜弟遷兄子世基等七騎北走，延頭戊，避

肥不能乘馬晦每待不得速至安陸爲成主光順之所擒延頭安陸地今不知所

隋州志劉道產治雍而蠻服南宋元嘉十九年劉子

卒蠻復叛二十二年柳元景守隨既至而蠻入寇柳

子募七百人使五百外戍或曰蠻將薄城可分乎曰

外有重戍彼將懼奚知城中之數乎預戒戍卒潛出

其後曰見火則進既蠻至舉火而夾擊以溺潰水死

者千餘人生獲數百三十年夏蠻復來寇沈慶之帥

師伐之宗慤自新安入大洪山柳子自均水據五水

嶺先據險要蠻復大敗

前廢帝景和元年四方大亂隨守王寬憂父慤謀去

隨而之建業及母陷於賊復變而敗之遂奉母還天

子悅使圖其形

府志南齊永元二年始興內史王僧燦作亂以永陽

周舒爲謀主舒族人暉起兵以應詔劉坦討平之

武帝天監元年壬午魏景明三年八月也魏以鎮南

將軍元英都督義陽諸軍事司州刺史蔡道恭遣驍

勇將軍楊由帥城外居民保賢首山立三柵以待敵

十月元英圍之柵民任馬駒斬由降於魏魏任城王

澄命統軍黨法宗傳監服太原王神念等分兵逼東

關大峴淮陵九山高祖珍將三千騎爲遊兵澄督大

兵繼其後攻拔大峴等三城

三年甲申魏正始元年梁遣平西將軍曹景宗後軍

王僧炳等帥馬步三萬救義陽五月魏攻義陽刺史

蔡道恭將略相持百餘日數勝魏軍會道恭卒魏

人聞之攻益力曹景宗頓擊魏不進梁復遣軍朝將

軍馬仙琕救之仙琕鼓勇而前兵勢甚銳元英結壘

土雅山伏諸將示之以弱仙琕乘勢直抵長圍掩英

營英僞北以誘之至平地縱兵擊之魏統軍傅末車

騎先入蔡三虎副之突陣而過梁丘射永洞左股永

拔箭復入仙琕大敗子戰死仙琕退走時末年七十

矣一軍壯之仙琕復率萬餘人進擊英英又破之殺

其將軍陳秀之仙琕知義陽圍急盡銳擊戰三戰三

北蔡靈恩勢窘八月乙酉降於魏三關戍將皆棄城

走御史中丞任昉奏景宗逗遛上念其功不報詔於

南義陽置司州移鎮關南以鄭紹叔爲刺史魏改置

郢州於義陽以司馬悅爲刺史梁遣仙琕築竹墩麻

陽二城於關南司馬悅攻竹墩拔之

五年丙戌魏正始三年魏征遠將軍宇文福寇司州

俘千餘口而去

七年戊子魏永平元年魏郢州司馬彭珍叛魏潛引

梁兵趣義陽三關戍主侯登等以城來降郢州刺史

婁悅嬰城自守魏以中山王英都督南征諸軍事將

馬軍三萬出汝南以救之十二月擊斬梁寧朔將軍

張道凝魏義陽太守狄道辛祥與婁悅共守義陽梁

將軍胡武城陶平魯攻之祥夜襲其營擒平魯斬武

城州境仍屬魏

普通五年李國興復平靖關楊法乾復武陽黃峴二

關

大通元年夏侯夔攻克三關

八年己丑魏永平二年魏中山王英至義陽取三關

先策之曰三關相須如左右手若克一關兩關不待

攻而破攻難不如攻易先攻東關恐其並力於東又

東關六日而拔西關梁將馬仙琕等皆棄城走梁主

使韋叡救仙琕增築城二丈更開大塹高樓衆頗譏

其怯叡曰爲將須有怯時不可專勇英急追將復仰

陽之恥聞叡至乃退

府志大同二年地生白毛

太清三年己巳魏遣楊忠陷隨郡拔安陸

簡文帝大寶元年正月丁巳德安府雨黃沙明日西

魏執梁將柳仲禮城陷

安陸縣志夏侯重爲安陸太守時清介食貧而好置

樂妓無衣粧飾客至即令樂妓隔簾奏曲時人以簾

爲夏侯重之妓衣

府志陳宣帝十二年庚子周大象二年相州刺史尉

遲迴起兵討楊堅相州總管司馬消難以鄆隨溫應

士順環岳等八鎮來附於陳遣其子末爲質以請援

陳以消難爲大都督總督九州八鎮諸軍事賜爵隨

公王諒兵至消難以魯山飯山來奔

陳書程靈洗傳靈洗爲郢州刺史華皎之反也遣使

招誘靈洗斬皎使以狀聞朝廷使其子文季領水軍

防守文季幼多幹略較平靈洗及文季並有扞禦之

功靈洗卒文季盡領其衆起爲起武將軍仍助防郢

州

府志陳昌字敬業陳高祖第六子封衡陽王性聰敏

讀書一覽成誦明析政事還自長安以王琳之阻遂

寓安陸

齊天保六年齊主使清河王岳將兵攻魏安州以救

江陵

事被知每蒙褒賞建德三年授隨州刺史政存簡惠百姓安之

楊帝大業十一年乙亥十二月譙郡人朱榮擁衆數十萬僭稱楚帝建元昌遠漢南諸郡多陷

十三年丁丑李密陷安州尋爲蕭銑所有漢東志李白隴西人聞雲夢七澤來觀焉而安陸許相公見招妻以孫女嘗讀書於白兆之桃花巖過隨而登漢東之樓懷昔人報珠之故於是賦彼美及厲鄉慕長生之術訪紫陽先生於是賦神農又往遊白水登石激觀清冷泉慷慨悲歌擊節光武於是又賦

朝涉寓二年而後去後人於白兆山建長庚書院唐書韋思謙傳思謙名仁約調應城令坐公事負殿不得進秩吏部尚書高李輔曰自居選部今始得一人豈以小疵而棄大德擢監察御史由是知名書曰

御史出使不能動搖山岳震懼州縣爲不任職中書令褚遂良市地不如直思謙劾之罷爲同州刺史遂良後相出思謙清水令或弔之答曰吾猶直觸機輒發暇恤身乎大丈夫當敢言要地須明目張膽以報天子終不能碌碌保妻子耳

府志德宗建中二年辛巳梁崇義陷安州三年壬午李希烈反以安州爲南關

四年癸未三月丁酉荊州節度使張伯儀與淮寧李希烈兵戰於安州官兵大敗伯儀僅以身免

貞元二年乙丑七月壬午曹王阜遣其將伊慎王錡圍安州李希烈遣其甥劉戒虛將步騎八千救之遣別將李伯潛逆擊之於應山斬首三萬級生擒戒虛拘於城下安州遂降以伊慎爲安州刺史

憲宗十年乙未詔觀察使柳公綽以兵五千授安州刺史討吳元濟

丁士良爲吳元濟曉將嘗爲邊患元和十二年二月唐鄧隨節度使李愬遣將馬少良以千餘騎出峭偶值士良擒之衆請於愬欲爭取其心良無懼色愬曰此丈夫也命釋其縛士良自言曰原非淮西貞元中隸安州與吳氏戰爲所擒自分死矣吳氏釋而用之故爲吳父子竭力今公又生之請盡死以報愬給其衣服器械爲捉生將

傳宗乾符四年丁酉王仙芝陷安州王仙芝以八月陷安州越丁卯陷隨州執刺史翟休徵山南東道節度使李福遣將兵援之陣死後武衛大將軍李昌言領鳳翔騎至仙芝轉掠復州

光啓二年安陸賊周昌附郭人杜洪亂昭宗光化元年己未冬朱全忠將朱友恭克黃州還過安州或告刺史武愉潛通淮南掩取汴軍己亥友恭攻殺之

天祐元年甲子朱全忠陷安州三年丙寅楊行密攻安州拔之

梁末帝貞明六年庚辰吳張崇攻安州不克而還晉高祖天福二年戊戌安遠節度使盧文進叛南唐使李承裕據安州

二年安州威和指揮使王暉聞范延光叛殺安遠節度使周環自領軍府欲俟延光勝則附之敗則渡江奔吳晉主遣右領軍上將軍李金全將千騎如安州巡檢許赦王暉爲唐州刺史山南東道節度使安從進恐暉奔吳遣行軍司馬張肅將兵會復州兵於要

路邀之暉大掠安州將韓吳部將胡進殺之八月癸巳以狀聞李金全至安州將士之預於亂者數百人金全說諭悉遣詣闕既而聞指揮使武彥和等十數人挾賄甚多執而斬之彥和且死呼曰王暉首惡天子猶赦之我輩將從何罪乎帝雖知金全之情掩而不問以金全爲安遠節度使

宋至道二年成維爲隨書記父同文有高誼來就養楊徽過隨一見而合亟與之酬唱年七十三卒次子綸聞計徒步千里來奔

至道二年彭城王從吉上書於天子訟其父枉除名而配於隨歐陽騰字子華真宗時授隨州推官大洪山奇峯寺有僧數百轉運使疑其與奸惡爲市令聘往按僧賂以金聘卻之今其輸金賑飢多所全活卒葬應城歐陽修銘其墓

仁宗天聖元年歐陽修應舉於隨試論左氏誣修曰石言於晉神降於莘內蛇闕而外蛇傷新鬼大而故鬼小惟逸韻失解四年由隨爲禮部八年三月舉省元登王拱辰榜

英宗治平間范忠宣判安州嘗作布衾銘以戒士後落職知隨而銘實無傳焉至明正統五年竟獲其銘於土中

仲殊一號蜜殊安州人常遊姑蘇臺柱上倒書一絕云天長地久任悠悠你若無心我亦休浪跡姑蘇人不曾春風吹笛酒家樓與蘇軾友善性嗜蜜自號蜜殊有寶月集蘇贈有嗜蜜歌

鍾子快述宋郊隨州應山人微時居隨同弟祁讀書

鍾子快述宋郊隨州應山人微時居隨同弟祁讀書

鍾子快述宋郊隨州應山人微時居隨同弟祁讀書

鍾子快述宋郊隨州應山人微時居隨同弟祁讀書

鍾子快述宋郊隨州應山人微時居隨同弟祁讀書

鍾子快述宋郊隨州應山人微時居隨同弟祁讀書

於州學後及相居政府上元夜在書院內讀周易聞其弟點花燈擁歌妓醉飲達旦朔日諭所親令誦讀云相公寄語學士昨夜燒燈夜宴窮極奢侈不知記得某年上元同在州學內喫齋羹飯否學士笑曰却須寄語相公不知當年同喫齋羹飯是為甚的

應山縣志二宋徵時入郡覲舍錦標坊下與吏鄭生者鄰情跡頗熟凡郡守所欲賤狀皆鄭為之夏英公竦守郡惟問之若將學而自為之耶吏以實對曰二宋秀才代之也因得其所著作益大嗟賞命詠落花詩賦成英公曰大宋君詠落花而不言落字必作狀元宰相小宋君非所及然亦登殿近府志神宗熙寧元年天雨白皚狀如馬尾長者尺餘瀾漫德安山谷

連庶字君錫應山人縣舊有淮南王故壘在山間會大水州守議取其甃為城公曰弓矢舞衣傳百世藏王府非無可用蓋以古物傳於今尚有典型也壘因是得存連庠字元禮與兄庶齊名李元綱云應山二連伯氏當官明潔人謂之連底清仲氏加以嚴肅人謂之連底凍

徽宗宣和三年三月庚戌蔡京等進德安所得商六鼎

欽宗靖康元年丙午賊祝進王在相繼攻德安程顥字伯淳程頤字正叔俱宋大中大夫珣子也世家伊洛珣父適令黃陂時娶於孝感張氏生珣適卒於黃陂珣未克北歸以故顥頤常遊孝感讀書董湖西北隅今程子港即其地也攬勝者以程港夜月為

八景之一高宗建炎元年戊申李好問楊進李橫相繼攻德安知府陳規擊破之冬桑仲敗還襄陽鳩集散亡陷鄧州復南攻德安

二年己酉四月壬辰賊軍孫琦犯德安七月齊劉豫使李成合金兵而入

四年辛亥九月戊午襄陽賊趙延壽犯德安陳規拒却之

德安復州漢陽軍鎮撫使陳規做古屯田有逃戶歸業者收畢給之過三年者不受理凡軍士所屯之田皆相其險隘立為堡寨其弓兵等半為守禦半為耕種如遇農時則就田作有警則充軍用

胡照閣休之孫紹興中知德安岳飛為招討使辟閣林主管機宜文字飛誣死閣休發憤杜門伴疾十年及昭知德安眾仰之曰忠義之裔也

高宗紹興四年甲寅五月以岳飛兼荆南制置使渡江收鄂襄地移屯德安府軍聲大振

孝宗淳熙元年金人圍德安

寧宗開禧元年乙丑韓侂胄淪盟虜十一月金人圍德安吳玠招神馬破潰平救之是年金以都統完顏按帶陷隨州進圍德安掠安陸應城雲夢孝感漢川諸縣

二年丙寅金人圍德安吳玠命董德等救之十二月戊申金人圍德安守將李師尹拒之

隨州志大洪山人李遙殺人亡命至秭歸出市一杖時秭歸有被殺者求之甚急其子見遙杖曰非父物乎想之官執遙而驗之信撈掠備至而大洪之犯遂

洩

理宗紹定二年己丑元兵南侵安隨大擾端平二年乙未元以太子聞帥師破德安郡縣俘戮人十餘萬

三年丙申八月元遣楊惟中姚樞攻陷德安府淳祐十二年壬子蒙古兵攻隨鄧安復總管馬攻拒戰却之

度宗咸淳五年己巳元阿朮掠德安府縣俘萬人而還

恭宗德祐元年乙亥正月戊子知德安府來興國以城降

雲夢縣志程慥本之裔孫不妄片語不棄小善不侈服玩不斬所有以賑人之急人咸稱為石羊程夫子蓋公居石羊岡而里人誦之以配河南二夫子云一夜羣盜圍其家三匝已復解散後聞盜私相怨詈此程夫子家何忍利其藏且圍時黑氣滃然不可覓門戶舍旁忽產紫芝三百本色狀甚異香聞數百步外夜有光繞其上

孝感縣志白蔡罕西城板勒紇城人也買宅孝感至元戊子母卒葬孝感白雲山中鳴琴讀書若將終身暮年居白雲山別墅以白雲自號嘗入朝仁宗望見曰白雲先生來也

府志順帝至元初靳賊曹安興陷安陸郡守王閻被執不屈賊義而釋之

至正十一年辛卯賴蔡兵起攝興宗許成據應山分掠德安所屬州縣平林人明玉珍身長八尺目重瞳至是擁衆青山

明正德元年春德安大饑秋大旱是年隨州饑其巷張必顯妻崔氏生髭長三寸暴死

七年壬申流寇劉六等遣人掠隨州應山德安騷動曹都司戰死賊帥趙鏡引萬人至應山河南僉事郭詔追擊二郎廠大敗之

安大峽居雲東曲水湖自號曲湖逸人正德末夜觀列宿異之曰帝星明於江漢其應在安陸州通年而世宗從與邸入承大統咸推為象緯藻鑑焉

楊方伯正少孤為嫂所役落拓無家年二十五楊親察璋見其人有異試以聯曰北斗七星水內連天十四點對曰南方孤鴈月中帶影一雙飛再曰燕來鴈去相逢路上講春秋對曰免走烏飛各向空中行日月觀察適為女求婚因定盟焉何司寇還亦觀察所選婿也何亦以此法得劉公伯燮或物色於風塵或賞拔於童穉亦可傳矣

嘉靖十六年六月應山民劉思祿生兒異形赤髮肉角三目手口如鸞鳥

二十年隨州大雨三日黃連村地裂為壑有聲如雷周五里皆震越月乃止

四十五年大雪民多僵斃孝感陡岡步有烏巢育三白雛成羽去

隆慶五年德安大水民訛言兵至鄉邑驚擾旬日始定是年牛生五足

梁汝元更姓字為何心隱嘉隆間游楚以講學為名又游京師客耿恭簡邸舍一日張江陵過耿汝元望見走匿耿訝問其故汝元曰分宜欲滅道學華亭欲與道學而皆不能與滅者此人也必操天下大柄且

終當殺我子第識之後江陵當國果以曾光妖案捕汝元下所司竟斃於獄葬孝感弘業鄉東里與顏學合墓

天啓壬戌鳳凰山下一小街為走櫻桃渡別遷居民廖姓女為祟所患且瀕於死延巫治之自言為本地土神欲婚此女適縣牧賀大亭過其處衆聲雜沓不知避也賀為停車詰得其狀呼其父責之而立劈其像妖亦遂止

明時應山有字薦媒者實真沙渚羣鴈聞其聲而至則掩取之三年矣一日日中正鴈哀鳴而下與媒交糾其頸弗釋併死之字者遂不復弋

崇禎二年孝感大旱盜起白鼠徧邑人竄而鬻之五年孝感斗山步民葉家猪產獨角獸

六年癸酉十二月流氓賊入應山孟販店巡道李宗著知府程世培築鄒東北門

七年甲戌正月賊哨薄四郊焚殺東北鄉分千戶張以謙守隨州曲山店死之

八年二月賊從孝感感薄北城下鄉官王宗孔同子王採領土兵出堵於演武場得賊級十一顆賊大隊偽整世王混世王一斗粟混十萬過天星蝎子塊老回

回隔里煙一點油西營八大王曹操凡十一家繼至自演武場北至應山觀音坡凡五十里東南自孝感雲夢界西北至隨州應山界凡二百里殺擄無算舉人甘籌自製火藥擊賊於北城至四月始解是年冬賊復至大肆焚掠

孝感賊不時至人無所庇參政邑人夏時亨以諸生唐列馬逢泰耆民湯希禹胡聆楚之請言於知縣雍

鳴鸞寨白雲山上使居人得有所保十六年正月邑城既入於賊運判彭濟典貢士劉祺彭清典萬以忠諸生楊金聲黃文星等皆以避難來二十八日賊衆突抵寨下攻五晝夜清典等督義勇拒之二月二十五日李自成將賀人龍帥衆萬餘環攻三晝夜是時清典等皆徙去寨中僅壯士況思聖湯延澤湯賓選等百餘人奮勇血戰賊大潰遁去四月貢士夏焯來自武昌秣馬練兵浸成營壘五月舉人劉申錫應山諸生楊之金等於邑北境起兵伐勦焯與五為聲援

白旺街之且欲加兵黃麻恐白雲之蹙其後必欲滅此而後朝食七月初一日帥衆數萬來攻而吏部員外郎程良簪亦以先一月家白雲與焯同僑寓諸生程元申張士達徐應錫胡應振程仲甫士著諸生馬逢時唐應奎賀康祉湯元鵬李司直等同心守禦多

所斬獲或賊乘夜暗襲則時令健兒礮石擊之為力不多而礮齒相搏互為礮礮一發常殺數人寨人枕戈露拒者三十九日八月初一日賊知不可拔引去亡何夏時亨由板橋販赴白雲同良籌請劉授官鼓

勵鄉勇號營大義決策進剿十一月十七日偵知賊驍騎聚於楊家砦祺焯以忠同分領屠奏疏李琨予余之軌蔡同春湯謨况於衷湯議劉典義樂和等圍之盡殲其衆奪馬三十匹十九日全師西向克復邑城江北巡撫王揚基檄請良籌監軍而販授祺焯以忠監紀乃以十二月督諸義士馬逢賢魏中映况可

名馬逢康涂鵬程劉體倫等攻賊於圓潭砦趙之旋憩白蓮砦馳檄各營同擊府城白旺用偽弁詐降行謀而各營適劄四野偽弁潛引賊襲砦良籌被

擄陣亡義士徐從先劉御明程大德僧還虛等三百餘人十七年正月寨人同西協遊擊馬應龍擊花源峇斬賊首八十餘級二十四日隨毛惠二鎮攻府城克之旺殺良簪走京山巡撫何騰蛟巡按黃澍檄請時亨監軍嚴防禦勤操練賊亦敗志於我八月初十日寨人大舉西向賊伏騎三百於黃土寨以邀我師我師敗績徐應欽楊鼎臣華君美張一宗等死之十一月初十日賊以馬步三千人攻白雲大周星店時亨密令劉體縉楊士修劉顯祥等夜斬其營斬賊首百餘級獲馬十八匹

九年丙子十一月賊圍應城破之治西南一帶居民悉火復圍雲夢賊騎薄城下監軍張大經領兵擊之十年螟螣蝥賊皆備是年應城南門周氏生女九歲一日忽變為男湯池忽冷八月張獻忠陷城

丁丑正月張大經戰賊於麻城之白羊山賊敗從雲霧中掩旗而遁二十八日至德安府焚西南關副將楊世思通判孫鉉同鄉官王宗孔生員沈會霖分領土司龍在田漢兵追戰於七里畝得賊級五十七顆救回難民千餘口是年四月賊薄德安東鄉諸砦堡俱破哨至南城巡道趙振業發鄉勇出堵彭鰲樂成葉三魏節死之

十一年戊寅雨土地盡白三月大風拔孝感易氏石坊是年賊薄城下逼城戈矛出火炯炯有光冬客兵駐西郊驛產駒

十二年己卯六月大水城南民家胥及簷而止編筏以渡城上垂竿繩巨石以曳之竟日門始啓水稍殺先是禾乘於屋天雨魚烹之悉化為水是年冬木凍

城西盛姓屋梁有鳥來巢

十三年庚辰四月賊老營十一家分屯四鄉以精騎攻城巡道趙振業知府樊邦正與鄉官王宗孔生員萬之奇吳錫嘉沈會霖各分一面堵之遊擊王三槐出戰於東郊身被數矢不退賊攻城益力城上諸生甘和森樂繹如柯立等率敢死士射卻之轉攻西城邦正設伏勝之賊遁去轉襲破隨州礮守將黃章哀十六年癸未正月初九官民俱空城出十三日偽曹操羅一龍至用絃圭為考試官遍拘諸生有軍投水死不赴者時聞賊已改襄陽為偽西京偽知府吳從繩偽知縣鄧某守德安尋調一龍去見殺四月巡道章曠調忠義營生員劉濟等領五旗鄉勇以生員甘和森為前驅恢復之執偽官而去聞賊再遣偽果毅將軍白旺復至委偽知府姚錫引偽同知陳吾鼎偽推官方奉三偽知縣胡鈺時大索紳士城中諸人俱避諸村堡拒賊白旺領賊衆圍北鄉傅家砦生員張素蓄等以死敵殺賊首領數十人日久被困破之全砦俱屠連破西鄉朱家砦紅石砦高家砦白兆之尖山砦東鄉居民俱匿孝感之三山砦被圍破之縣諸小砦無算

德安府部雜錄

禹貢禹敷土江漢朝宗於海九江孔殷沱潛既導雲土夢作又
古尚書注雲在江之南夢在江之北
呂氏春秋萊之美者雲夢之芹
司馬相如賦楚有七澤臣之所見特其小小者耳名曰雲夢
史記河渠書禹以為河所從來者高水湍悍難以行平地乃斷二渠以引其河九川既疏九澤既灋自是之後榮陽下引河東南為鴻溝以通宋鄭陳蔡曹衛與濟汝淮泗會於楚西方則通渠漢水雲夢之野渠皆可行舟有餘則用灌漑百姓享其利
西漢地理志江夏西陵縣有雲夢宮則雲夢即西陵地而雲夢宮蓋在此縣
朝野僉載郝處俊葬訖有一書生過其墓嘆曰葬壓龍角其棺必斷後處俊孫象賢坐不道果斷處俊棺焚其屍處俊髮根入腦骨皮托體蓋奇毛異骨貴相也
稽神錄馬黃谷家舊載安州城南陳人左鵬親見其棺已腐惟一體骨長三尺今無家或久而逸其跡也朱或可談蔡確知安州有詩云睡起莞然成獨笑數聲漁笛在滄浪吳處厚注云未知蔡確此時獨笑何事坐譏訕貶先公帥廣崇寧元年正月遊蒲澗見遊人簪鳳尾花詩云孤臣正泣龍鬚草遊子空簪鳳尾花監司互論以為罪注云正月十二日已大祥豈是孤臣正泣之時譏口之可畏如此既不得笑復不得哭

尚書蔡傳雲夢方八九百里跨江南北華容枝江夏安陸皆其地也又曰雲土者雲之地土見而已夢之地已可耕治也

一統志環岳郡在孝感縣西魏置隋廢按魏書孝昌縣改置岳州岳山郡隋書廢州郡為孝昌縣唐書環川環陽縣未聞有所謂環岳郡也陳書司馬消難總管九州有環川岳二州並在孝昌境耶抑即魏之岳山郡而誤傳為環岳郡耶

義陽城在孝感縣北一百里梁置西魏廢按南北史西魏于平氏縣置義陽郡蓋古申國之地今信陽州是已劉宋改義陽郡為宋安郡南齊改置司州而義陽城未嘗置千孝昌也豈即南義陽之廢城耶梁書武帝天監三年魏陷司州詔以南義陽置司州夫梁魏之時有義陽郡又有西義陽郡南義陽郡西義陽郡在今隨州境而南義陽未知在何處一統志謂梁以宋安郡為北司州黃陂縣為南司州則南義陽郡似當在黃陂境今云在孝感縣北一百里則與羅山應山為近豈南義陽郡初置于孝昌境而黃陂之南司州乃其徙置耶

新市在孝感縣後漢王常起兵即此地又云新市城在京山縣南三十里漢光武起兵討王莽嘗聚于此後置縣曰南新市西魏因改富水按後漢書南新市侯國屬江夏郡宋書荊州江夏郡亦有新市縣唐杜佑通典鄂州富水縣注云後漢新市縣故城在縣東北宋淳熙丙午富水縣令張實修縣志雖辯析新市而未嘗援及孝感故孝感新市之名不彰竊謂前漢地里志江夏郡無新市縣而王常起兵則在前漢之

季是王常起兵之新市乃安陸縣鄉聚之名非縣名也蓋在孝感之北境今新店是已其後光武起兵於春陵招致新市兵後漢地理志始有南新市侯國宋元和郡國志元豐九域志俱云後漢於安陸立新市是南新市縣置於後漢蓋在今京山之南境富水之新市故城是已豈可以後漢之南新市即以爲前漢王常起兵之新市哉又晉書竟陵郡有南新市鄆道元水經注云新市縣在雲杜城屬竟陵郡蓋今之應城京山景陵皆晉時雲杜縣之域也又齊書鄂州江夏郡新平左郡司州安陸郡皆有新市縣其鄂州東岸何郡又有西新市南新市東新市縣或者即以東新市爲孝感縣不知齊之郡縣多僞置耳惡足憑乎夫新市之名不一而孝感新市實與隨之平林爲近土人相傳爲王常起兵處故一統志存之

通志魏書地形志謂南司州宋安郡有東隨縣注云東隨縣有黃硯關按黃硯關即今孝感九里關在南北朝謂之東關隋書文帝開皇九年改東隨爲禮山縣即今應山也歷代地形分割不一今之孝感疆域表出黃硯之外數十里由縣治以抵北界約有三百餘里豈魏時孝昌地狹而黃硯內外舊屬東隨耶抑割孝昌之黃硯以益東隨耶然魏改孝昌爲岳州岳山郡則地固未宜割也豈孝昌東隨以黃硯爲界耶不可考已

楚子城舊志云在隨故光化縣楚子伐隨軍於淮漢之間城此按隨南封百里實古邛後八年邛與隨及蓼同伐楚是其畝也楚若由此伐隨必假道於邛邛許之乎莊王四年楚伐隨除道梁遂以臨隨遂偏西

可通鄂楚地可由此入也然曰軍於淮漢之間淮在隨北而蓼又楚之敵其必由唐厲入乎唐厲在淮漢之間皆楚私屬也楚子城其光化之故城或故安化之城未可知必以爲楚人之築安矣

禹貢云熊耳外方桐柏至於陪尾蔡沉傳云熊耳外方桐柏陪尾皆北條大河南境之山豫州山也又云地志江夏郡安陸縣東北有橫尾山古文以爲陪尾今安州安陸也舊府志云去治四十里俗呼橫山一名橫尾禹貢導水至於陪尾即此今按治東北五十里俗呼橫山特一小丘信非橫尾惟四十里俗呼大鶴山者稍隆而拽尾此爲橫尾庶得之顧陪尾上接桐柏書傳亦謂豫州山則不當在荆之安陸若今信陽三關正接桐柏其峻險足稱高山固豫境也古文舍此不著陪尾而以荆境一阜當之何歟且橫尾去三關百餘里高卑不倫以此爲陪尾於禹奠高山分州境之意似皆未合抑又何也竊謂禹所隨刊若內方大別導漢由之亦非危嶽而三關以南百餘里即雲夢大澤直抵大別而橫尾特峙其間可盡漫渺之觀豈荆豫之會導水陂澤取諸臨眺高卑固不盡計歟

雲夢縣南皆大澤雲夢澤自此始故名之禹貢雲土夢作又本二澤然二澤合稱其來已久傳記所指合析不同周禮職方數曰雲夢司馬相如傳楚有七澤其小者名雲夢方八九百里南有平原廣澤緣以大江而班生地志云華容枝江若江夏之安陸皆有雲夢裴駟云孫叔敖激沮水作此澤張揖云楚數也在南郡華容縣郭璞云江夏安陸有雲夢枝江亦有之

華容又有巴丘湖俗云卽古雲夢澤張揖云在華容者指此春秋文耀鉤云大別以東至富春九江衡山皆雲夢地唐安審曄敗唐兵於夢澤中史炤曰雲夢澤名祝穆曰邳夫人棄子文於夢中言夢不言雲楚子避吳入于雲中言雲不言夢二事皆在安陸一以爲雲一以爲夢凡此皆合稱也惟胡三省辯誤禹貢雲夢孔安國云在江南左傳楚王以鄭伯田江南之夢漢志雲夢澤在華容南沈丘云雲卽今玉沙監利景陵等縣夢卽今公安石首建寧等縣漢陽志云雲在江之北夢在江之南此則析而稱之按杜預云雲夢跨江南北而蔡沉書傳云雲夢方八九百里跨江南北華容枝江江夏安陸皆其地合言之則一別言之則二澤也禹貢云雲土夢作乂蓋澤勢有高卑故水落有遲速人工有早晚爾

景差至蒲騷見宋玉曰不意重見故人慰此去國戀戀之心昨到夢澤喜見楚山之碧眼力頓明今又會故人開心日足矣

楚紀云孟宗江夏郡鄆人性至孝後有孟嘉孟陋應城陳士元孝感志云按史記無忌謂魏王曰秦不敢伐楚攻冥阨之塞徐廣註云冥阨卽江夏郡鄆縣地申州羅山縣蓋漢鄆縣地也前漢書江夏郡統縣十四後漢書江夏郡統縣十二晉書江夏郡統縣七俱有鄆縣夫漢晉江夏郡置於今之雲夢縣北四十里而安陸則附郡之縣今江夏縣卽漢沙羨縣地亦屬江夏郡至三國吳時又分置武昌郡是孟宗之世沙羨已屬武昌隔在漢江東南去江夏之鄆縣遠甚非鄆地明矣宋人惟知孟宗爲江夏人而不考宗爲江

夏郡之鄆人遂稱江夏縣城東有靈竹院爲宗故宅紹興間立祠以祀一統志不及深究因以宗爲江夏縣人物而羅山縣又不載焉不已誤乎然今孝感北聯羅山以與地計之其東北境卽漢鄆縣地論世索圖疑宗爲孝感人按世說新語註引孟嘉別傳曰嘉字萬年江夏鄆人曾祖父宗吳司空祖父揖晉廬陵太守宗葬武昌陽新縣子孫家焉袁宏孟處士陋銘亦曰陽新人今與國州蓋孟家江夏之鄆縣而其後人家武昌之陽新嘉傳首云鄆人乃一統志遺害人物亦有孟嘉皆過其先世爾陳以宗爲孝感人尤爲無據而武昌縣志引別傳訛鄆爲鄂遂以爲武昌人繆甚矣

隨州醫士蔡士寧常寶一息石其色紫光如丹砂有縹細之紋重如金錫其上有兩三竅以細篋剔之出赤屑心狂熱者服少許卽定其斤兩歲息故曰息石隨州志神農氏作不言所起也記曰厲山氏左氏曰烈山氏史記謂烈山實厲山皇甫謐謂厲山隨之厲鄉也盛弘之謂隨之北界重山二穴神農一育九井自穿汲其一井八井皆動又云淮陽有神農井厲山北有神農洞卽其生處

虞舜生諸馮今諸洪鋪是也養吾集云隨之方言呼馮爲洪不知者遂訛稱洪然考永樂年州志猶是諸馮且有舜井新碑歷山娥皇洞諸遺跡王孫國對趙簡子曰楚有馮曰雲連徒洲金木竹箭之所生也墨子曰荆有雲夢卑兕麋鹿盈之楚頃襄王二十年秦將白起拔西陵西陵雲夢地襄王復取之宋玉賦曰楚襄王嘗遊雲夢之臺望高堂

之觀其上獨有雲氣卒今直上忽今改容須臾之間變化無窮王問玉曰此何氣也玉對曰所謂朝雲者也

莊公四年三月楚武王荆尸授師子焉以伐我將齊入告夫人鄧曼曰余心蕩鄧曼歎曰王祿盡矣盈而蕩天之道也先君其知之矣故臨武事將發大命而蕩王心焉若師徒無虧王薨於行國之福也王遂行卒於櫛木之下令尹闢新莫敖屈重除道梁漢營軍臨我懼行成莫敢以王命入盟隨侯且請爲會於漢汭而還濟漢而後發喪而史記又云楚武王五十年周召公貴在王楚而楚亦怒我背已來伐武王遂卒於師而兵罷君子曰此與傳亦異莊王十九年我赴卽師事之徵者傳尚紀之豈有王室召我貴在王楚之事願遺之乎楚之志拳拳於吞噬小國其不忘情於我瀕死而猶不肯已寧論其背不背哉

史記言楚武王三十五年伐隨隨曰我無罪楚曰今諸侯背叛相殺殺我有敵甲欲以觀中國之政請王室尊尊吾號隨爲之請於周不聽還報楚金氏曰史氏之述其蓬章求成之辭乎君子謂史記之言與左氏異傳稱季梁之謀惟在於修政而親與國若請號尊楚豈理也哉

沈括之譏隨也夏震而木折獲石其下似斧而無孔或曰雷楔又曰雷州多雷沈子曰雷實水名石雷妄夫然鄰富有電白又何謂耶君子曰在天成象在地成形星隕爲石夫何疑乎易曰震爲龍一陽動於二陰之下非龍乎雷其聲電其目之光聲出而光生光無得故一出而人見聲有漸故既發而始聞聲傳谷

響其應稍遲非其理乎龍蟄而雷伏雷已而電滅臘月之雷陽洩於陰龍啓於蟄故零泉觸龍雷電隨至龍之怒也龍擊雲中雷電交作龍隱而去空中頓滅志曰有神如鏡又曰電白祠龍湫龍母非此之類乎嘉靖乙卯秋七月劉伯生伯變紹恤熊之夢共一官舟往預省試夜泊於劉家隔詰朝呼長年方欲前發而舟已抵漢口矣夫解纜不覺順流無恙事不足異但中必由逆流十里過漢口方可達漢誰挽之耶是科四人俱登賢書伯變領解額

劉僉事紹恤嘉靖乙卯春官下第後即讀書金泉僧舍疎隱面河外無垣籬也一夕拋書獨坐偶作不必然之想脫有刺客窺櫺隙投戈而入某當側身以避之因戲作掉臂狀而長戟已從耳畔飛過矣又童時與諸兒狎疾走雉堞上忽失足墮城下適一老人倚城跌坐正墜懷中此地居城西北下臨深潭其亦有神以護之耶

萬曆二年築孝感縣城掘土得一鼎傳是周宣王賜仲山甫者上有款識六十字守巡二道遂建一閣貯之乞王中丞世貞爲之記覽記文奇甚因徵德安守取鼎驗閱其製即今香爐也規圓僅四五寸非烹飪器不可謂之鼎三足上俱畫以獸面文如字形各相類所謂六十字者實無一蓋疑董工官自神其說也

德安府部外編

府志鬼谷子姓王名詡西周人受道於老君嘗人雲夢採藥服之顏如童

張楷字公超隱華山谷中能爲五里霧有玉訣金匱之學坐在立亡之道人學其術者填咽如市嘗跨驢至雲夢縣賣藥今縣有會仙橋云

漢書五行志漢靈帝時江夏黃氏母浴而化爲鼃入於深淵其後時時出見初浴簪一銀釵及見猶在其首

府志晉惠帝大安元年有敗虜自聚於道人或散投坑谷明日視之如故

齊諧記太元元年安陸縣師道宣年二十三得病愈後忽忽發狂變爲虎食人不可勝數有一女子採桑樹上取食之乃藏其釵釧幾間後復爲人皆知取焉還家久之乃出仕爲殿中令史夜共人語變怪事宜自言吾昔得病發狂變爲虎噉人遂言其姓名坐中有食其父子兄弟者於是擒送官司餓死建康獄

府志孝感仙姑洞相傳昔二人乘燭入行約二十餘里洞盡忽暗天日溪水橫抱有斷石橋水深不得渡隔溪茅屋駢列花木蕃盛溪邊一女汲水遙語二人曰此非塵世也渡此不復返矣二人懼遂返

南史庾翼欲北伐鎮安陸偶起如廁見有物如方相俄而疽發卒

梁書邵陵王蕭綸討侯景不克避居安陸爲北魏楊忠所殺投於江岸經日色不變鳥獸莫敢近時大雪迴迴數步不霑灑衛主帥安陸人郝破敵殲之葬日復大雪惟冢墳無雪楊忠聞之以太牢致祭百姓憐

之爲立祠廟

紀聞錄杜鵬舉安州都督子鴻漸宰相名似兄弟蓋有由也鵬舉嘗夢至一所見大碑人言是宰相碑問有杜家兒否答曰有即往視之記得姓下一字鳥旁一字曳脚乃名其子曰鴻漸焉又太平廣記鵬舉初爲濟源縣丞暴卒其妻尉遲氏不肯殮曰夫君算術神妙每言官至方伯必不長往越三夕臂上稍溫又翼日魁云初見兩人持符來招至一公廨使者先入有碧衣官出踞坐命鵬舉前曰誤同姓名非此官也

咎使者改符去有一吏揮手令出碧衣官拜送門外云某是生人安州戶籍少府當爲安州都督放施敬耳先揮手吏趨出引鵬舉入一院四周薄帳山集指鵬舉開卷視之時鵬舉三男未生者籍名已具乃求筆記其名於臂西行過一新城環城甲士曰相王居此將爲天子及避視臂上所記如朽木書字尚分明鵬舉以假還京詣相王述其事後三年相王登極是爲肅宗拜鵬舉右拾遺制詞曰思入風雅靈通鬼神後果爲安州都督

孝感縣志張朴孝昌人唐張巡裨將也尹子琦圍睢陽巡使朴如彭城許叔冀請救叔冀不應又副南齊雲潰圍告急於臨淮賀蘭進明進明無出師意愛朴及齊雲勇反欲留之爲大樂樂作齊雲泣拔刀斷一指以示不畱朴亦斷一指竟不食歸報及城陷朴與齊雲等三十六人俱不屈死數日朴見夢家人曰吾得請於帝爲南嶽司錄行人間賞罰未幾進明暴死若震

安陸縣志大用不知何許人唐元和七年行脚至安

安陸縣志大用不知何許人唐元和七年行脚至安

陸石佛山跌坐其麓忽舉杖得前梁瓦如許藏土隙中因卓錫焉示寂建塔於山之陽歲餘齋沐掃塔輒雨萬曆間邑令高一迪踏災過此強起視之尚絨目作懽喜容髮已垂肩爪盤於膝高曰生耶刺之赤液徐出少焉四山雲合風雷俱作高百拜悔罪封廟而去後好事者再為啓視則枯矣

慈忍盧尊者唐時人即浮屠善信遊於五臺三年寺僧遣之有老父語曰子行矣緣不在是遂隨止遇湖住遂行寶曆二年七月隨早師至見高峰問焉人曰大湖乃竊喜及湖旁遇張武陵者具羊豕而謂曰早因人召害物濟人可乎請待之三曰吾為爾等武陵聽之既入陰巖獨坐而大雨武陵乃從以二子而卽山居之太和元年五月師告湖神曰鄉吾代牲輟爾血食今憤爾引刃截膝白液流出張氏二子侍觀立化山南東道上其狀天子嘉之賜其所居之處爲幽濟禪院今隨之洪山是也

梁貞明中一日方曙有大蛇見於城之西南首枕於城尾曳於濠南土地廟中其首大如五斗器怒目如電張巨吻以屬城其身不下百丈粗可數圍跨於羊馬岡兼濠之上其餘尚蟠廟垣之內有宿城軍校卒然過之大呼失魄而走一城恐懼莫知所由明年淮寇圍城豈神先告之耶今無羊馬岡或卽羊集岡是也

括異記鄭獬微時夢至一小池方闊數尺覺以明玉解入水浴見臂生白鱗水影中頭有角池上人呼曰白龍翁來也比醒猶見曳尾於牀鄭獬卒棺寄僧舍歷久不克葬滕元發來守安州夢獬來謁見轎中一

白龍身其首實獬也元發因出傳多焉

錄異紀安州城東二十里有南蠻群盜發之數日乃開得金釵百餘枝合重百斤有石座雜寶古腰帶陳列甚多盜取一帶隨手水湧俄頃滿墓所開之處尋自閉塞盜以一金獅子獻刺史武愉愉夜夢一人吉服多侍從謁云我南蠻相公也爲羣盜壞我居所

以君宗姓願爲修之盜當發狂疾不必捕愉卽命人修墓羣盜三十餘人不數日狂死者半

怪異錄胡且爲工部郎中知制誥一日禁中忽報云名對賜鞍馬值者悉白官僚而郎史已傳報四方既而詰之虛也後數日且得罪貶安州行軍司馬

異聞錄呂誨爲御史典安州士朱明復雅相善神宗立復知諫院劾王安石罷知德安府一日晏坐見一

碧衣云不久玉帝南遊炎洲命子隨行糾正羣仙炎洲苦熱賜公清涼丹一粒誨吞之若冰雪下咽尋卒

後數年明復舉進士及第自湖北渡襄江道見吏領數百人前導次見誨騎玉角青鹿左右皆青衣童子

明復前謁拜問曰公何之公其已僊乎誨笑不答但曰吾侍上帝南遊不得敘衷曲口占一篇爲別

府志宋神宗授安州觀察使初生時有異光照室羣鼠吐氣成五色雲

魚周詢在安州時園吏見大蛇垂欄楯視之乃周詢醉而假寐世傳其異

宋庠父嘗爲九江掾未有子與其妻鍾氏禱於盧阜鍾夢道士授以小戴禮已而庠生他日見許眞君像

卽夢中見者又通志載鍾夫人夢人授文選一部而生子祁幼名選郎

股自仁字養峯家城隍廟街在今分司街之南司左有小廟數楹俗曰米帝大王殿自仁爲諸生時數數

過之神示比鄰人於夢曰若等祀我甚恭奈股狀元日再過門踞坐未便幸置一簾蔽之其人寤而如約

越數月又夢神告曰可撤而簾股爲人作離婚書不復領狀元僅可一榜耳後止中嘉靖辛酉郭試云

鐵牛和尚未詳何許人嘉靖間劉紹恤讀書白兆和尚以行脚至衣鉢不飾豪莽任力寺僧易之劉一日

遊桃花洞強和尚與俱伴臥不起比劉至而和尚已跌坐石上矣劉偶有所需於家命奚童以詰朝入郡

未及炊家人已至云鐵牛和尚傳主人命呼我然和尚實與劉對坐足未出闕以外也神奇種種如此自

是與劉縱談只曰可惜可惜如是者經年後不知所終

高一迪陝西人萬曆甲辰任安陸縣性機警善以鈞索得人情僞有隨州丘氏謀殺一案歲久不服屬高

再訊之高以午夜潛詣城隍廟具袍服坐龕上如神狀畫飾諸左右執戟以待而潛令曉事胥吏數人塗

面文身突啓獄門鐵鎖聲雜香陰火四迸負丘以出又先令一人血淋漓伏地下若爲其夫鳴咽乞命者

丘大駭悉吐合謀始末高因命輝燈燭示丘曰我高知縣非城隍也數載爰書遂成定案

應城縣志響山和尚本縣人前生乃應城楊家子爲僧遊湖南三十餘載不回忽一日其嫂有娠夜夢和

尚投胎及醒遂生響山從幼出家雲遊數十年晚年回應城自以初生茲地復生茲地因名其庵曰二生庵

欽定古今圖書集成方輿彙編職方典

第一千一百七十三卷目錄

黃州府部彙考一

黃州府建置沿革考

黃州府疆域考

黃州府星野考

黃州府山川考一

職方典第一千一百七十三卷

黃州府部彙考一

黃州府建置沿革考

本府

府縣志合載

禹貢荊州之域天文翼軫分野春秋黃國地後屬楚楚徙郢君於此曰郢城秦屬南郡漢曰西陵屬江夏三國魏爲重鎮後屬吳晉曰西陽南齊曰齊安北齊曰新州隋曰永安唐曰黃州明曰黃州府領州一縣七嘉靖末年割黃岡之上中和麻城之太平仙居黃陂之仙源鄉爲黃安皇清因之領州一縣八

黃岡縣

漢西陵地南北朝齊南江北齊巴州隋木蘭唐

黃岡五代宋元明俱仍舊屬黃州府

皇清因之編戶八十二里

黃安縣

明嘉靖四十二年初置黃安縣黃安分土蓋黃

岡麻城黃陂之裔按禹貢地介荆豫之交在周

爲黃國地在秦爲南郡地漢爲西陵地屬江夏郡晉仍西陵屬弋陽郡南北朝爲南安信安南司州地屬齊安郡隋爲木蘭麻城黃陂地屬永安郡唐爲黃岡亭州南司州地屬淮南節度宋爲黃岡麻城黃陂地屬淮西路元屬黃州路江北道隸河南行省按宋史紹興間與金畫淮爲疆元至正中徐壽輝起兵里人鄒普勝馮瑄佐之據雙城蓋宋元之季卽此爲邊徼兵衝目今堡址燧臺累聚相望至明高皇帝命陶安撫定戊申改路爲府三邑俱屬黃州府治而轄於湖廣布政使司此壤始爲中土焉

新水縣

唐堯之興因顓帝所建爲九州其南爲揚杜氏通典新揚州城虞舜肇十有二州其一揚州夏商制如唐虞周自湖南十州皆屬楚秦分天下爲三十六郡拔郢新并屬南郡南郡者卽今江陵始皇十六年滅楚虜王負芻於新陳涉起兵於新酈布王其間置西陵及郢縣新縣并屬江夏郡東漢劉表令黃祖築城西陵倚爲鎮魏黃初中斬春置爲郡賀齊初晉宗爲浠口卽今縣將以衆叛入魏還爲斬春守圖樂安取保直權以爲恥因軍初罷六月盛夏出其不意下詔齊督糜芳鮮于丹等襲斬春生虜宗復置斬春晉泰始元年以西陽境俱隸弋陽郡而斬春省爲縣劉宋更爲西陽郡治建浠水縣及永安郡北齊以南安兼置巴州置黃陂及南司州仍隸齊安而新別置齊昌郡及羅州尋更爲齊興縣

復爲齊水梁析置縣斬水尋復浠水縣隋開皇元年置斬州以浠水屬之更爲斬春縣唐貞觀七年以斬山谷中多蘭更爲蘭溪縣復爲蘭清郡天寶元年復斬水宋端平元年復斬春縣元至元十二年改斬州爲路復斬春爲斬水屬斬州路明洪武九年改路爲府領縣五斬爲外領丙辰改府而州領如故己未始改屬黃州府皇清因之編戶五十八里

羅田縣

禹貢羅田在荊州境內水經注羅受英鄧崖併塘洞之流斯匯於浠水西南出蠻中五水是名浠水春秋爲黃國地左傳載楚屈瑕伐羅羅與盧軍之蓋羅君城國於申信問因始蒙羅名蘇長公亦論羅國在漢黃間楚滅而遂抵耳戰國屬楚漢隸江夏郡卽今武昌也三國隸斬春郡卽今斬州也晉隸弋陽郡卽今河南光州也北齊隸齊安郡卽黃州梁置爲義州及義城郡卽今奉太鄉舊魁山下也隋改爲縣復隸斬春郡唐省入斬州浠水縣卽今斬水縣也宋仍隸爲縣宋書司馬黑石反有小羅與田光典二人平焉故稱羅田元因廢復立大德甲寅知縣周廣遷官渡河隸斬春郡官渡河卽今縣前水也明洪武乙卯改隸黃州府

皇清因之編戶二十五里

麻城縣

周爲黃國地黃帝之後受封於黃嬴姓國在今光州定城廢縣之西春秋屬黃後屬楚楚徙郢

君於此戰國時楚滅郢遷其君於黃遂名郢城
秦屬南郡漢名西陵屬江夏衡山王吳芮嘗都
之三國時魏名西陽爲重鎮後屬吳赤烏四年
八月陸遜以三萬人守之晉爲弋陽郡又析置
西陽國東晉以郢城爲豫州治所城本後趙石
勒將麻將軍胡秋所築城也遂名麻城後魏安
陽孝昌二年置治麻城梁初置信安縣及北西
陽縣陳廢北西陽置定州後周改曰亭州分置
東義州又有建寧陰城定城三郡隋開皇十八
年改麻城縣屬黃州唐置總管府於麻城後置
亭州又析置陽城縣尋復省元和初又以麻城
省入黃岡後復置屬黃州宋端平二年徙縣治
於什子山元復舊治名麻城屬黃州路隸淮南
改隸河南明仍麻城屬光州改屬黃州府隸湖
廣

皇清因之編戶七十四里

黃陂縣

春秋隸黃國魯僖三年黃人同江人盟於貫後
楚子伐黃因屬楚秦分楚爲四郡以黃屬南郡
漢改稱西陵三國時劉表守荊州使黃祖城石
陽爲鎮以拒吳即今西城子地北齊以鎮改置
黃陂縣及南司州治名黃陂蓋由此始隋南司
州廢以縣屬末安郡唐復置南司州尋廢爲縣
屬黃州今黃陂隸黃郡由此始宋仍舊移治鄂
州青山磯元改屬河南尋復舊治明編黃陂屬
黃州府

皇清因之編戶三十七里

蘄州

禹貢荊州之域中爲吳淮之交周自湖南十州
皆楚屬楚以郢爲南郡晉武帝時南郡郢治江
夏秦以新國屬之十道志新陽城春秋戰國屬
楚秦置三十六郡屬九江郡黃梅廣濟蘄水羅
田在西漢爲蘄春縣屬江夏郡即今武昌東漢
置爲蘄春國吳改蘄春郡省郡以縣屬弋陽郡
黃岡境西陽城即晉弋陽郡東晉簡文帝鄧后
諱春以春秋爲陽秋以富春爲富陽蘄春爲蘄
陽宋齊西陽郡即今黃州府北齊置齊昌郡兼
置羅州隋初罷天下諸郡以州統縣煬帝又改
州爲郡置太守唐改郡爲州改太守爲刺史屬
淮南節度使宋因之爲州屬淮南西路元世祖
改蘄州爲蘄州路屬河南行省淮西北道明
改路爲府領縣五蘄春爲附郭黃梅廣濟蘄水
羅田爲外領洪武丙辰改府爲州罷蘄春縣外
領黃梅等縣至己未割蘄水羅田入黃州府蘄
州仍領黃梅廣濟編戶六十里嘉靖二十八年
合爲二十八里

皇清因之

廣濟縣

禹貢荊州之域漢爲蘄春東境蘄春漢縣屬江
夏吳爲郡晉改西陽又改蘄陽後周分蘄立末
寧隋末廢唐武德四年平朱粲改蘄爲州領蘄
春蘄水羅田黃梅蘄水五縣其年省蘄水入蘄
春又分蘄春立末寧天寶元年改末寧爲廣濟
屬蘄自是始名廣濟唐末楊行密據淮南地屬

吳後屬南唐周顯德三年征淮南五年李景盡
獻江北地遂屬周宋仍故元改州爲路屬蘄州
路明仍以蘄爲州領廣濟黃梅以屬黃州府
皇清因之編戶三十里

黃梅縣

漢夏屬揚州域蘄春郡名新蔡縣按邑以蔡名
以地濱江有山曰蔡有湖曰五阜俱產大龜所
稱九江納錫大龜蓋在於此而明一統志亦稱
五阜湖在黃梅縣西禹貢納錫之龜世傳出此
殷周仍之春秋屬楚郡縣皆同秦屬九江郡名
蘄春縣西漢屬九江郡又改江夏郡亦名蘄春
縣東漢屬江夏郡名黃梅縣按永元間三老亭
侯以山徙湖於蔡不復產而地多梅有上中下
梅水山有黃梅山黃梅水遂更名曰黃梅三國
吳立蘄春爲郡而黃梅在中晉以蘄春入弋陽
郡即今光州而黃梅在中後周改蘄州黃梅隸
焉唐屬蘄州隸淮南道按唐高祖武德年間以
梅地置南晉州又析分四縣曰義豐長吉塘陽
新蔡尋俱罷今土人往往傳故址遺署焉宋屬
蘄州隸淮西道元立蘄州路隸淮西北道而
與圖言梅元嘗僑治中州明屬蘄州並隸黃州
府統轄湖廣武昌道

皇清因之編戶二十四里

黃州府疆域圖



黃州府疆域考
府縣志合載

東至江南宿松縣界五百一十里

西至本省孝感縣界二百八十里

南至本省武昌縣界十里界抵武昌江岸

北至河南羅山縣界四百七十里

自府至省城水陸俱一百八十里至

京師陸路二千八百里水路四千七百里

廣七百九十里袤四百八十里

黃岡縣附郭

東至本府蘄水縣下巴河界四十里至蘄水治

七十里

西至本府黃陂縣三山鋪界一百七十里至黃

陂治六十里

南至本省武昌縣大江岸界十里至武昌縣治

一里

北至本府麻城縣沙河鋪界一百三十里至麻

城縣治五十里

東北至本府羅田縣治一百八十里以青山下

口黃家廟爲界

西北至本府黃安縣治二百四十里以細石嶺

界牌爲界

西南至陽邏鎮抱尾洲一百二十五里及武昌

府江夏縣江岸爲界

東南至蘄州水路一百八十里陸路三百一十

里至黃梅縣二百七十里至廣濟縣二百六十

里並隔蘄水縣以巴河爲界

廣一百九十五里袤一百三十里

黃安縣
東至本府麻城縣界四十里至麻城縣治一百一

十里

西至本府黃陂縣界四十里至黃陂縣治一百二

十里

南至本府黃岡縣界八十里至黃岡縣治二百四

十里

北至河南光山縣界八十里至光山縣治二百

六十里

西北抵羅山縣界九十里至羅山縣治二百七十

里

自縣至府治二百四十里

廣八十里袤一百六十里

蘄水縣

東至江南英山縣界九十里

西至本府黃岡縣界七十里

南至本府蘄州縣界五十里

北至本府羅田縣界九十里

自縣至府治一百一十里至省三百二十里

廣一百六十里袤一百四十里

羅田縣

東至江南英山縣界五十里

西至本府黃岡縣界三十里

南至本府蘄水縣界一十五里

北至河南商城縣界一百四十五里

東南至英山縣界五十里

西南至蕪水縣界二十里

東北至霍山縣界一百二十里

西北至麻城縣界四十里

自縣至本府小路西行一百六十里大路南行

一百八十里水路二百五十里至本省陸路三

百五十里水路五百里至

京師陸路三千七百里水路四千五百里

東西廣八十里南北袤一百六十里

麻城縣

五代時齊陳以木陵山爲界築大活城後周顯

德中與南唐畫江爲界麻城則周南界宋紹興

間與金畫淮爲界麻城則宋北界明初麻城廣

二百三十里後析置黃安縣東西僅廣一百六

十里南北僅廣一百五十里

皇清仍之

東至本府羅田縣界九十里

西至本府黃陂縣界七十里

南至本府黃岡縣界五十里

北至河南光山縣界一百里

東北至商城縣界七十里

西北至黃安縣界九十里

西南至湖廣省二百四十里

東南至本府一百八十里至

京陸路二千五百四十里水路五千一百七十里

黃陂縣

東至本府黃岡縣界五十里

西至本省孝感縣界六十里

南至本省漢陽縣界四十里

北至河南羅山縣界一百六十里

東南五十里至黃岡縣界地名界埠又七十里

至黃岡縣陽邏驛

東北八十里至黃安縣界又八十餘里至麻城

縣縣治

西南六十里至漢陽縣界又三十餘里至漢陽

縣縣治

西北八十五里至孝感縣又一百五里至德安

府府治

自縣至府治一百九十里至省城陸路八十五

里水路一百一十里至

京陸路三千四百八十里水路五千二百二十里

廣一百一十里袤二百里

蕪州

東至江南宿松縣界二百里

西至本府蕪水縣界一百里

南至武昌興國州界十里

北至河南固始縣界四百四十里

自州至府治一百八十里至

京師水路四千八百一十五里陸路三千八百九

十里

廣三百里袤四百五十里

廣濟縣

東至本府黃梅縣界七十里

西至本府蕪州界三十里

南至江西瑞昌縣界七十里

北至本府蕪州界五十里

自縣至本府二百五十里至省四百三十里至

京師三千餘里

廣一百里袤一百二十里

黃梅縣

東至江南宿松縣界二十五里

西至本府廣濟縣界二十五里

南至江西德化縣界一百里

北至本府蕪州界七十里

東北至廬施嶺宿松界四十里

東南至鶴鳴嶺宿松界六十里

西北至中峰山廣濟界五十里

西南至龍坪鎮廣濟界九十里

西至本府陸路三百五十里水路三百九十里

西至省會陸路五百一十里水路五百七十里

東至

京師陸路三千二百里水路三千五百里

廣五十里袤一百七十里

形勝附

本府 黃岡縣附郭

郡城枕巴蜀襟帶江淮合九江之流以達於海

亦湯池也虎頭石陽石柱之險鎖鑰金城豈非

三楚一重鎮哉

黃安縣

週遭萬山綿亙如塹山外溪河包絡如隍陲域

殆天造然

蕪水縣

斯水山勢龍蟠英羅接壤淮西上腴治亂每相倚伏鎮捍之功為政者尚其力之哉

羅田縣

山脈自多雲鎮鹽堆山歷大霧熊岩鳳凰拱固於北河流自鹽堆經黃石與北峰合流穿柳林繞淘金岩由烏馬潭環繞於前而又塔山障其東印台列於西森然金湯之固也

羅田雖稱義水然其民素魯若則可使有勇義則可使知方加之山盤路阻禦侮頗易古名羅國亦儼然一轄也

麻城縣

萬山巖峙江環於東汴帶於北皆百里而遙峭嶇之勢恃山而不恃水五關實處此土進可戰而退可守孟珙之遺制存焉

黃陂縣

邑與羅山接壤分阨東北浮江漢軫汝海豈非奧區哉然潛澤衍沃蓄洩宜時故稱陂焉風遡嗟峨金鼓脈逸甘露魯臺東西北三隅列岫攢峰宛若兒孫邊護而黃安羅山分司北門鎮鎗識源導自大城潭界河合於滕子港既由北而東折亦南匯以西流或由武湖入江或紆瀝口達漢膏腴環衍靈秀內融夙稱黃郡望邑至夫軫通省會郵接中州尤三楚之要區也

新州

背麟岡面鳳嶺大江襟其前諸湖帶其後左控匡廬右接洞庭與復新州舊治記南距大江北接光蔡西連黃

岡東時濤院

張子師廣教院記左舒右黃

靳春古郡記佳山秀水還絡千里有鼓吹白雲之勝

余章三泉堂記江湖絕處

宋關詠神光觀記占淮壖之上腴或又以吳頭楚尾荆揚交會之區稱之

廣濟縣

舊志橫岡跨其北大江經其南然橫岡自東而西而北連峯峭壁逶迤騰起者不可勝紀邑去江稍遠灌於湖潴難攻易守之地因其地之善以寓其經濟豈不抗然於吳豫之間哉

羣峯雄峙西有高山之險東有大符烏鴉之咀與黃梅接壤亦吳楚之要害也

黃梅縣

梅吳楚咽喉之地也屏肥院距潯陽雖廣袤不過二百里而扼塞最重居其地者但知其浮圖之靈宅而不知其為陰陽之所交則惑矣

梅居楚黃未壤控金陵上流巡鄂渚而下直走六百里大江汪汭衣帶一水東峙潯院南距潯陽萬山巖峻諸水曲折實為吳楚交會之區更屬荆揚咽喉之地

黃州府星野考

府總

列郡分野云黃州府古荊州翼軫分野秦屬南郡漢屬江夏郡

翼軫之分次在鶉尾辰屬已卦屬翼二十星軫四星居中又有二星為左右轄長沙一星在旁合為七星

三台屬司命星宋志三台六星為天階太乙攝

以上下上台為司命主壽中台為司中主宗室下台為司祿主兵又曰上台上星主兗豫下星主荆揚中台上星主梁雍下星主冀下台上星主青下星主徐

宋志天市垣東西各列十一星東垣曰宋南海燕東海徐吳越齊中山九河趙魏西垣曰韓楚

梁巴蜀秦周鄭晉河間河中垣第二星

天文志五車五星在畢東北其西北大星曰天庫主太白秦也東北星曰天獄主辰星燕趙也東南星曰天倉主歲星魯衛也中央星曰司宮

主鎮星楚也西南星曰卿主熒惑楚魏也論曰昔蘇伯衡謂分野視分星古不謂地也蓋地有彼此之不齊而分星在天則一定而不易以彼此不齊之地必欲求配於在天之十二次

整然之分其說之難通也固宜由此推之保章氏之說亦隨其土之所屬應其星之所臨故謂之星土辨九州之地非如鄭康成言十二邦繫十二次也隨其國之所封屬其星之所在故謂之所封城皆有分星亦非如賈公彥言受封